

浮生夢跡

浮生夢跡卷三

鐵嶺曾憲文梅峰甫編

秋日寄友人

鏡中兩鬢各成絲，又是清秋九月時。
斜日尚留殘菊影，涼風獨撼老松枝。
笑他人俗常多富，愧我才艱祇有詩。
南海仲翔知己少，結交翻恨識君遲。

燕京晤某遺老

銅駝不管興亡事，臥雨眠風又幾秋。
景略一生終戀晉，夷吾九合未忘周。
時流吐氣逢青眼，耆老如星盡白頭。
滿地戰雲紛擾甚，遼東幸有管寧樓。

春日微雨與友人飲於燕京客舍

老大光陰咄咄思春風不管鬢如絲頻年作客愁侵
骨到處憐才意轉癡滿地落花人醉後一樓微雨燕
來時偶逢知己欣浮白莫向天涯怨別離

春日蘭心院曾子威招飲

惱人春色太匆匆黛影鎚光醉眼空寒食節前連日
雨晚妝樓下百花風章臺問柳韓員外北海開樽孔
大中同有天涯淪落意不堪話別薊門東

戊午燕京除夕

每從醉後發狂歌萬種閒愁付奈何夜冷乍看新雪

積樓高時有凍雲過神京冠蓋閒人少故國園林老
友多作客長安無好夢一年歲月又蹉跎

己未秋飲太平湖

田園迢遞舊交疎黨見紛歧愧未除濁酒一杯人散
後秋風八月雁來初鏡中白髮他鄉夢牆外青山故
國廬五十年華容易老徧嘗世味已殘餘

燕京暮春偶成寄龍山諸友

東風吹斷落紅聲千里還家夢未成寸草春暉空有
淚尺書舊雨不勝情亂離每積愁中影毀譽常來意
外評滿地江湖何所適前身曾與白鷗盟

世事循環萬局碁到頭勝負究何時月圓花好終難
恃鹿逐羊亡兩不知醉後思家忘遠近夢中得句每
離奇浮名私利皆纏鎖笑煞深源咄咄思

燕京冬夜

孤寂方知客裏難層梯高處一樓寒淒風冷月人千
里秃筆殘書事兩端看到百年成短夢撥開萬感作
旁觀才疏報國終無補幸有吟詩興未闌

博浪沙懷古

孤忠義憤待誰伸莽莽平沙幾愴神椎力眞寒秦政
胆眼光直定漢家春捐生荊聶多餘恨發難陳吳尚

後塵廟貌歲峨二千載常留壯氣鎮乾坤

初春雨夜思酒社諸友

燕京頻作客幾度悵離群思苦書難寫愁深酒莫分
春聲千樹雨鐙影一樓雲花滿龍山日歸來共晤君
歸家南滿道中望見縣城

回首京華遠歸途指顧間地疑仙可縮人似鳥飛還
漠漠千家樹青青一縣山浮名終是累寧得此身閒
燕京暮春感懷寄酒社諸友

那堪舉國尙兵塵老大翻成作客人有用光陰嗟去
日無聊杯酒送殘春詩能記事愁難寫身已歸家夢

未眞寄語龍山諸舊雨京華風氣更增新
毀譽何曾是定評况當舉世重虛聲形骸到處容疎
懶名刺隨人學送迺冉冉光陰遲暮感迢迢歸夢故
園情年來尋得陶潛宅墻外青山一角晴

燕京秋夜感懷寄金銳徵

蕭蕭萬樹起秋聲鏡裏光陰兩鬢驚餘興不妨仍縱
酒此身常悔未逃名閱殘冷暖燕雲薄歷盡崎嶇蜀
道平良夜憶君空悵望一樓鐙影月三更

西山道中

山裏疑無路人家自結村峰陰寒壓樹水氣冷侵門

老屋藏崖底涼泉裂石根到來清徹骨此地即桃源

遇雨夜宿偏涼堡

一路征衫濕層峰暮色昏清涼煙外寺高下雨中門
山暝雲千樹荷香水半村主人眞解意野酒喚頻溫
夏日與友人遊頤和園

春去春來一霎忙風吹荷氣滿天香雲廊水殿宮闈
在山色湖光歲月長興廢每增遊客感森嚴不是帝
王鄉銅駝荊棘難思議此後遷流付渺茫

春日與友人遊萬牲園

又是春風酒滿樽陰陰萬木靜無喧樓臺氣象經千

劫花鳥精神聚一園勝地別開新面目主人猶說舊
王孫詩心到此真幽絕留得飛鴻泥爪痕

春晏太平湖

不如歸去老林泉回首鄉關望渺然塵海琴樽留盛
會燕京花月有前緣翻雲覆雨成何事浪跡萍蹤又
幾年一朶春愁拋未得落紅無賴晚風天

春日與友人新豐樓飲酒

高樓面面碧紗勻三月風光望眼新稷下濫竽多政
客亭中貰酒有詩人節逢寒食連天雨花發幽燕滿
市春座對知交拚一醉無聊情緒老紅塵

錦縣途中遇雨

出關鄉路近人破濕雲來村落隨山上河流讓樹回
香風春釀熟冷雨野棠開此地常經戰烽煙處處臺
水災後過新民縣

層堤皆潰決舉目望凄然水勢狂如海沙痕遠到天
殘街斜照裏頽樹冷風前大塊同膏壤胡爲此地偏
塘沽道中作

不記迴環勢人家曲曲河地生春草少潮帶海風多
橋舸連村路魚鹽萬頃波蒼涼居戶屋時有水禽過
冒雨夜過灤河

夜色開雄鎮輕車任往還橋陰高跨岸河水怒淘山
鎧火懸孤壁帆幃聚一灣淒涼街市雨樹影有無間

冒雨夜過唐山

此間煤業盛通面幾山頭夜氣驚初冷人聲噪未休
清秋千樹雨鎧火一街樓明日津沽道魚鹽十里洲
夜坐中央公園水榭

波影澄清萬綠中窗開人坐一河風叢荷覆水新經
兩曲檻臨流半在空高下樹陰濃欲滴迴環石磴暗
相通納涼深處遊船聚記得西湖晚景同

燕京思家有感

一枕鄉心夢未成滿天春色到燕京每逢離別情腸
斷遍閱艱難盛氣平遊久歸家翻似客恩深思報不
因名年來羞作窮途語美酒新詩壯此行

燕京秋夜

不受浮名累他鄉放浪身客樓三面樹燕地兩肩塵
風緊雲追雁天空月伴人自憐鏡中影白髮上頭新
春日浣花春友人招飲

今古由來似剎那無聊歲月易銷磨禁煙故事過寒
食修禊流年記永和塵海鶯花新酒熟春風京洛舊
交多坐中亦有悲時客莫唱荊卿易水歌

夜宿雙泉寺

俯瞰諸山小霜高月滿天寺門通石磴樹杪響流泉
禪榻孤鐙影雲牀一宿緣老僧清若鶴已近古稀年
秋日與友人登龍山

晴空此遊覽頓覺豁雙眸十里煙中寺千峰雨後秋
風帆穿樹出河水繞城流磴道層層上天高暑氣收
喜袁潔珊來京

薊樹津雲接戰塵一番憑弔一傷神閱殘名利身常
健脫盡周旋友始真京國幾增思舊感長沙終是濟
時人龍江遠作諸侯客佐治須開萬戶春

燕京文明園觀張小仙演青梅傳飾阿喜

同心主僕幾年春頓作天涯遠別人私蓄有金成汝
志泣遵亂命慰雙親

異地誰收月夜魂沾衣血淚盡啼痕雙親未葬身難
死作媵聊酬養育恩

鼠牙雀角太無因幾死餘生賸隻身覲面一言眞痛
絕果然婢子作夫人

那堪往事說從頭天道離奇不自由花燭一堂眞意
外半懷感激半含羞

觀鮮靈芝演青梅傳飾青梅

聰慧天生賞識眞憑將一諾定終身風塵巨眼甘毛
遂笑煞王公是俗人

鼎力成全暗助金果然巾幗有知音一襟別淚人千
里難寫酬恩報德心

此日仍留萬劫身相逢疑是夢中人荒菴阻雨眞天
幸操縱良緣有鬼神

銜環結草酬恩日金幄珠幃偕老時人定勝天休自
餒百年成算屬娥眉

燕京城南遊園觀于紫仙演梅降雪

芙蓉花下見啼痕一縷柔腸解報恩畢竟仙人是情

種替他倩女幾離魂

銜環結草受恩深病到膏肓感不禁變化離奇卿慧
甚文君風趣押衙心

燕京中和園觀小慧芬演玉堂春

赭衣有淚幾縱橫冤海誰人問死生咫尺鴛鴦無一
語果然法律限私情

生死關頭事萬難新愁舊恨幾辛酸偷將一朶含冤
淚半訴知心半訴官

京師廣德樓觀韓娥金喜演桃山洞

羽衣綽約踏雲煙證得三生未了緣月是前身冰是

骨美人原稱作神仙

放誕風流不解愁花開古洞幾千秋原來天上明文
早愛女婚姻許自由

津埠下天仙觀李鳳雲演鐵公雞

輕敵輕身入險途傷心主帥太糊塗忠肝鐵胆人千
古猶見歌臺女丈夫

四面重圍起戰塵火光殺氣太驚人怪他造物多奇
想好女英雄男萃一身

燕京文明園觀鮮靈芝演庚娘傳飾庚娘

淒風涼月一天愁荊聶無成事可憂冷酒殘杯皆殺